



Festival da musica classica ad Andermatt

Sur Pasqua han lieu en il rom dal Festival da musica classica ad Andermatt otg concerts.

4



Fusiun da Filisur e Bravuogn

Cun gronda maioritad ha il suveran da Filisur e Bravuogn ditg gea a la fusiun.

8

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

■ TUJETSCH

Guido Monn da niev en suprastanza

(anr/hh) Vischinas e vischins da Tujetsch han reeligi la dumengia vargada Beat Röschlin sco president communal. Suenter haver tgamunau la vischnaunca ils davos dus onns suonda ussa l'emprima perioda d'uffeci cumpleina. Niev gerau daventa Guido Monn, ferton ch'ils treis veders ein vegni reeligi. La vischnaunca da Tujetsch ha medemamein eli-

giu il cussegl da vischnaunca sco era il cussegl da scola. In sez el cussegl da scola ei denton aunc vacants. La vischnaunca da Tujetsch sto era aunc tscherchar treis commembers per la cumissiun da quella ha saviu vegnir occupaus la dumengia.

> PAGINA 5



La margrita pintga crescha empau dapertut ed ha dabia effects curativs. MAD

Sanadeivel giu dils praus

■ (anr/sr) Uonn ha la NHV Theophrastus dalla Tiaratudestga eligiu la margrita pintga (Bellis perennis) sco plonta medicinala digl onn. «Quella flur fetg derasada lein nus metter el focus oravontut pervia da sias qualitats curativas», declara Konrad Jungnickel, il parsura dall'uniun. Ina cumprova scientifica sufficianta digl effect da quella plonta cura-

tiva dat ei denton aunc buc. «Quei munta tonaton buc automaticamein ch'ella hagi negin effect», aschia Jungnickel. Pertgei gest la savida da nos perdavons – che sebase per gronda part sin observaziuns d'applicaziun – seigi gia vegnida documentada savens el rom da studis scientifics.

> PAGINA 4

Il prüm on per la Pro IOF

■ (anr/afi) L'eivna passada ha gnü lö la segunda radunanza generala da la Societa Pro Institut Ftan (IOF). Quista societä s'ha fuormada avant ün on our da las differentas gruppas da genituors chi s'han ingaschats per ün avegnir da la scoula media a Ftan. L'intent da la Pro IOF es da mantegner e promover la scoula media sco instituziun da scolaziun, da promoziun da sport e da la lin-

gua rumantscha in ün intschesch rumantsch. La suprastanza ha organisa d'ürant l'on passà differents arrandschamaints sco referats publics ed otras occurrenz. La Pro IOF es eir adüna darcheu preschainta i'l public. Uschè es dvan-tada per quista societä la Festa sül Stradun ün arrandschamaint important.

> PAGINA 7

Il zercladur croda la decisiun

La fusiun dallas vischnauncas d'Andiast, Breil e Vuorz ei sin rucca

DA HANS HUONDER / ANR

■ Il cantun ei promts da contribuir biebein sis milliuns francs vid la fusiun dallas vischnauncas da Breil, Vuorz ed Andiast. Las proximas jamnas duei il contract da fusiun vegnir preparaus e la fin d'jamna dils 24 e 25 da zercladur 2017 duei vegnir votau giudlunder. Il venderdis sera ha la gruppa da project per la fusiun dallas treis vischnauncas amiez la Surselva presentau il project. Quel sebase sigl empren project ch'ei vegnius refusaus avon rodund tschun onns. La gruppa ha presentau variantas per la via da colligiaziun, la collaboraziun sil sectur dalla scola, mo era ils aspects finansials. Ina planisaziun da finanzas sur plirs onns muossa che las vischnauncas statan meglier cun ina fusiun, essend ch'ei savess dar ils proxims onns midadas per exempel entras ina reduziun dils tscheins d'aua. Clar ei tenor il project era che Andiast e Vuorz vegnan buca da far ils proxims onns las investiziuns necessarias ord atgna forza. Pertuccont la structura politica propona la gruppa in sistem sco quei



Guido Dietrich (president communal da Vuorz), Ursin Fetz, meinaproject dalla Scol'aula per tecnica ed economia Cuera, Sievi Sgier (president communal d'Andiast) e Clau Schlosser (president communal da Breil) (da sen.) la sera dall'orientaziun a Danis-Tavanasa.

FOTO H. HUONDER

che Breil ha ussa, pia denter auter cun parlament. Rispundera ei era la damonda digl uoppen. Il sulegl, ils Cavistrai ed in casti (Munt Sogn Gieri) fuorman quel. Alla

sera d'informaziun a Danis-Tavanasa ha ei dau ton vuschs positivas en favur d'ina fusiun sco era critica. Quella ei sedrizzata denter auter al project per la via da

colligiaziun. Sche la fusiun vegn acceptada va ella en vigur l'entschatta 2018.

> PAGINA 3

■ SEDRUN MUSTÉR

Carta da hosps gratuita ei in success

(anr/hh) La carta da hosps da Mustér e Sedrun cun ina gronda purschida gratuita vegn offerida uonn per la tiarza ga. Ils dus emprens onns ein rodund 60 000 cartas vegnidas retratgas. In'evaluziun da Sedrun Mustér Turissem muossa che hosps da Sedrun nezegian la purschida a Mustér e quels da Mustér quella en Val Tujetsch. Tenor il meinafatschenta Hans-Kaspar Schwarzenbach ei quella purschida unica en Surselva ed era en Svizra ina dallas meglieras cartas cun purschida inclusiva.

> PAGINA 4

Importants pass per l'avegnir

(anr/afi) La Societä da commerzi e mansteranza Engiadina Bassa es cun seis 240 commembers üna da las grondas secziuns da commerzi e mansteranza in Grischun. A la radunanza generala sun ils 50 preschaints gnüts infuormats davart l'introducziun d'ün 10avel on da scoula s'l'Institut a Ftan.

> PAGINA 7

In um empè dad ina dunna

Radunanza da nominaziuns da la pbd dal Grischun

■ (anr/gns) Andreas Felix duai daventar successur da cussegliera Barbara Janom Steiner. Quai han decidi ils delegads e las delegadas da la Partida burgais-democratica a chaschun da la radunanza da nominaziuns per las elecziuns da la

regenza. Restar vinavant en quel gremi duess alura cusseglier Jon Domenic Parolini. La finamira da la pbd è dad avair er davent da las tschernas chantunales 2018 vinavant dus represchentants en la regenza ed er da defender la cefra dals posts da deputads e deputa-

das en il parlament chantunal. La missiun e defaisa dad omadus sez en l'executiva grischuna saja ina vaira sfida per tuts, han ditg ils dus candidats e la direcciun da la pbd.

> PAGINA 2



In vul daventar cusseglier guvernativ, sia carriera sco cussegliera guvernativa va a fin e l'auter vul restar sin quel post: Andreas Felix, Barbara Janom Steiner e Jon Domenic Parolini (da dretg).

FOTO G. N. STGIER



Servetsch d'abunents e da distribuziun: tel. 0844 226 226 mail: abo@somedia.ch